



高麗史

志

四十貳

リ印
2809
42



特 刊 印 6
2809
42



志卷第二十二

高麗史六十八

正憲大夫曹判書集賢殿提學知 經筵春秋館纂修成均大司成巨鯨麟趾奉

教修

禮十

二
嘉禮

大觀殿宴群臣儀

陳設前期都校中尚署設綵棚於殿庭近南
前一日尚舍局鋪王座於大觀殿上當中南
向設便次於王座東少北設二獸爐於殿階

一字アキハ本ノマ、
一字アキトスルコト

3 4 5

特刊 6
2809
42



一字アキハ本ノマ
一字アキトスルコト

志卷第二十二

高麗史六十八

正憲大夫曹判書集賢殿提學知 經筵春秋館直學成均大司成巨鄭麟趾奉

教修

禮十

嘉禮

大觀殿宴群臣儀

陳設前期都校中尚署設綵棚於殿庭近南
前一日尚舍局鋪王座於大觀殿上當中南
向設便次於王座東少北設二獸爐於殿階

高麗史卷六十八

3 4 5

上左右設太子座於王座東南西向設公侯
伯座於王座東西稍南設宰臣樞密座於太
子公侯後設文官三品及承制侍臣座於宰
臣後武官三品座於樞密後每等異位俱北
上相向尚衣尚舍局設花案於王座前楹間
左右茶房尚食局具御酒御食御果案其群
臣酒食有司隨職供辦守宮署設文武四品
以下座於殿下左右廊尚舍局設太子聞辭
位於殿庭近東西向公侯伯位次之宰臣樞

密位又次之俱差退西向北上文武三品以
下常參官以上位於殿庭之南俱重行相向
北上閣門設太子版位於殿庭中心近北公
侯伯位於太子後宰臣樞密位於公侯後俱
北向東上文武官三品以下常參以上位於
宰臣後兩班相對爲首俱重行北向設侍中
禮部尚書殿中監光祿卿典儀贊者位於殿
庭之東近北西向北上監察御史位二於殿
東西階下左右俱相向太樂令位於殿庭之

南北向協律郎位於西階之上東向 大宴
其日量時刻繖扇仗衛入陳於殿庭太樂令
帥教坊樂官入就位協律郎典儀贊者御史
凡行事執事官俱入就位閣門各引太子公
侯伯及宰臣樞密文武常叅以上入就聞辭
位立定侍中奏外辦王服赭黃袍至殿鳴鞭
爐煙升協律郎跪俛伏舉麾興樂作仗衛奏
山呼再拜王升座樂止閣門奏聞辭訖閣門
各引太子公侯伯宰臣樞密文武群官俱就

拜位北向立典儀曰再拜太子以下群官再
拜舞蹈又再拜奏聖躬萬福再拜太子進步
致詞退復位贊者喝太子以下再拜舞蹈又
再拜訖閣門各引太子及上公自東階升殿
執禮官承引就拜位贊者喝太子公侯伯及
文武群官再拜太子跪奏稱臣某等伏值某
節日聖節日則云某節日冊太后則云聖上
尊奉慈闈封崇禮畢郊天則云郊祀禮畢冊
太子則班首云冊立儲位臣等不勝大慶謹

上千萬歲壽酒伏候聖旨執禮官詣王座東南俛伏跪傳奏承制傳宣曰可執禮俛伏興詣太子東北西向傳宣許太子以下俛伏興贊者喝太子以下文武群官再拜訖太子及上公出詣洗所盥手近侍官進茶執禮官躬身勸每進酒進食執禮官皆躬身勸酌酒訖殿中監奉盞近侍官奉注子先升太子上公便詣王座東南俛伏跪太子奉盞上公奉注子酌酒王舉盞樂作舉酒訖樂止太子受虛

盞殿中監近侍官承受盞注子少退立太子及上公俛伏興降詣殿庭拜位贊者喝太子以下文武群官再拜舞蹈又再拜訖執禮官前承制降自東階詣太子東北西向傳宣曰舉卿等壽酒與卿等同慶仍賜赴座贊者喝太子以下群官再拜舞蹈又再拜訖閣門分引太子公侯伯宰臣樞密文武三品及諸侍臣各從東西側階上殿兩班四品以下分入左右廊文東武西俱重行並於席後相向立

次賜太子以下群官茶太子以下群臣再拜
執禮官贊飲太子以下飲訖揖次行太子以
下群官酒執禮官贊飲太子以下再拜執盞
樂作飲訖揖樂止司宰卿進御食次設太子
以下群官食王舉食樂作執禮官贊拜太子
以下再拜俱就座受食食訖起揖樂止殿中
監進御酒王舉酒樂作舉酒訖樂止殿中監
司宰卿就殿庭東邊再拜舞蹈又再拜訖各
就座次行群官酒執禮官贊飲群官揖執盞

樂作飲訖樂止以次進御酒御食又以次行
群官酒設群官食禮數樂作止如上儀至茶
食教坊呈致語口號訖太子以下群官降就
殿庭拜位贊者喝太子以下再拜太子進步
致詞退復位贊者喝太子以下群官再拜舞
蹈又再拜訖各就座近侍官以次進御酒御
食及行群官酒設群官食樂作止竝如上儀
至三味王入便次戴花太子公侯伯宰臣樞
密各就幕次戴花訖兩班三品以下常叅以

上殿門外戴花閣門各引太子以下群官入
就殿庭拜位立定少頃王坐殿鳴鞭爐烟升
贊者喝太子以下群官再拜舞蹈又再拜閣
門引樞密以上自東階上殿執禮官承引就
拜位立定贊者喝太子以下群官再拜太子
跪奏獻天壽執禮官傳奏承制傳宣曰可執
禮官詣太子東北西向傳宣許太子以下俛
伏興贊者喝太子以下群官再拜訖樞密以
上出詣洗所盥手便詣王座東南俛伏跪太

子奉盞公侯伯宰臣樞密以次奉注子跪酌
壽酒王舉盞樂作舉酒訖樂止太子受虛盞
近侍官承受盞注子少退立太子公侯伯宰
臣樞密俛伏興降就殿庭拜位贊者喝太子
以下群臣再拜舞蹈又再拜每至別盞兩班
三品及侍臣獻壽禮數並如上儀執禮官稱
躬身樞密以上皆躬身群官就本位執禮官
傳迴賜別盞贊者喝樞密以上再拜訖閣門
引樞密以上自東階上殿近侍官奉迴賜盞

高麗通志卷六十一
注子先升太子詣王座左俛伏跪承制奉注
子近侍官奉盞承制贊酌酒盞太子少前跪
受盞近侍官傳受詣殿上東壁太子飲位立
太子俛伏興退立於飲位公侯伯宰臣樞密
以次進受盞如上儀執禮官贊飲樞密以上
向王座揖執盞樂作飲訖樂止執禮官引太
子以下出詣殿上拜位再拜舞蹈又再拜訖
各就座執禮官傳宣行群官別盞群官席後
再拜近侍官監賜群官執盞樂作飲訖樂止

又再拜執禮官承旨傳侍立負將兩部樂官
宣賜花酒把門軍人宣賜酒果訖相次進御
酒御食及群官行酒設食至別盞三品或侍
臣已上獻壽如上儀有旨則進別盞八味後
近侍官進湯藥及賜群官藥訖王入便次太
子公侯伯宰臣樞密各出就幕次群官俱出
少頃閣門引太子公侯伯宰臣樞密及群官
入就殿庭位立定王再坐殿鳴鞭爐烟升贊
者贊揖太子以下群官揖訖近侍官進茶閣

高麗通志卷六十一

門引太子公侯伯宰臣樞密上殿請上壽酒
執禮官傳奏承制傳宣禮數並如上儀有旨
則近侍官進酒閣門分引太子以下群官各
就座訖相次進酒進食及群官行酒設食訖
近侍官進湯藥禮畢閣門分引太子公侯伯
宰臣樞密及群官就殿庭拜位立定贊者喝
太子以下群官再拜太子進步致辭退復位
贊者喝太子以下群官再拜舞蹈又再拜訖
執禮官傳宣賜宴幣贊者喝太子以下群官

再拜訖王降座鳴鞭樂作入訖樂止閣門各
引太子以下文武群官以次退

老人賜設儀

前一日尚舍局設王幄於儀鳳門內又設王
幄於閣門廳上設年八十以上宰臣樞密文
武三品官及命婦坐於閣門廳守宮署設文
武四品官以下坐於左同樂亭孝子順孫有
官品者預坐設命婦坐於右同樂亭設孝子
順孫無官品者坐於同樂亭左右廊廡其日

質明奏初嚴諸仗衛入陳於殿庭奏二嚴樞
密以下左右侍臣俱詣大觀殿立班以俟王
服絳紗袍出坐殿鳴鞭禁衛大喝再拜訖舍
人喝樞密以下常起居訖閣門各引太子公
侯伯宰臣入就位舍人喝太子以下再拜訖
閣使引西出訖侍中奏外辦俛伏興王降殿
乘小輦出殿門華蓋侍衛如式樂部分列振
作禮司奏三嚴駕至閣門降輦入幄樂止有
頃王出幄舍人喝老人拜一坐再至承制傳

宣老人又拜一坐再至舍人引就坐王南向
立命伴食若真宰則命真宰若樞密則命樞
密若八座以下則命三品官仍命樞密勸酒
食兩部樂振作宣花酒訖王乘輦至儀鳳門
降輦入幄樂止太子公侯伯宰臣樞密及侍
臣閣門班就毬庭分列左右文武兩班東西
相對立執事官在文官之東南少退尚舍局
設王座於門中心南向王出門升座鳴鞭舍
人喝文武兩班及諸執事官俱再拜訖樞密

以下左右侍臣前導樂作王行至左同樂亭
舍人喝老人拜一座再至孝子順孫於階下
再拜舞蹈又再拜舍人傳宣喝老人拜一坐
再至孝子順孫再拜舞蹈又再拜訖各就坐
賜酒食樂作命承制一員勸訖樂止駕至右
同樂亭勸如儀有司給例物有差王行至泰
定門前南向立閣使出班南承旨勅諸執事
官賜酒果舍人喝執使官再拜訖侍中前跪
奏稱侍中臣某言禮畢俛伏興退復位王入

泰定門升輦警蹕侍衛如式駕至大觀殿降
輦升殿閣門贊各祗候樞密以下以次退翌
日守宮署設鰥寡孤獨廢疾座於毬庭左右
廊有司設酒食訖退其宰樞三品致仕官每
四季月殿中省奉詔遣使具公服賫賜酒果
于私第州府郡縣賜設前期尚書禮部奏奉
指揮牒尚書都省都省傳牒三京諸都護州
牧設給酒食賜布穀皆准前例

穆宗十年七月御毬庭集民男女年八十以

上及篤廢疾六百三十五人臨賜酒食布帛
茶藥有差 肅宗六年三月癸未親饗國老
於閣門七年十月王在西京禮部奏王制曰
五年一巡狩問百年者就見蓋王者尊老尚
齒之盛禮也乞今西京留守及先排使西海
按察使先問年八十以上人賜設制可遂召
年八十以上男女賜設于闕庭命太子侑酒
食賜物有差 熙宗四年十月乙亥饗國老
庶老孝順節義王親侑之丙子又大酺鰥寡

孤獨篤廢疾賜物有差州府郡縣亦倣此例
比因國家多難饗禮以廢至是詔立都監復
遵舊制未八十歲宰臣樞密三品貧八十歲
以上宰樞三品貧母妻三品貧節婦有司於
禮賓省主廳設玉幄命宰樞坐於左俠廳各
賜酒十盞果十五鏤味十三器宴幣幘頭紗
二枚生紋羅一匹厚羅一匹衣綾二匹鄉大
絹二匹鍊絲二斤腰帶銀一斤金一目五刀
紅鞞皮一腰人參十兩花八枝紅蠟燭三丁

包裹黃絹複子五三品貧坐於左俠連廊各
賜酒十盞果十四鏢味十三器宴幣幘頭紗
二枚生紋羅一匹厚羅一匹衣綾一匹鄉大
絹二匹鍊絲一斤腰帶銀十二兩金一目紅
鞞皮一腰人參十兩花六枝燭二丁包裹黃
絹複子五宰樞三品貧母妻三品貧節婦坐
於右俠廳酒果味與三品貧廳同各賜宰樞
母妻及節婦衣綾二匹鄉大絹四匹鍊絲二
斤人參十兩花六枝燭二丁包裹黃絹複子

各三賜三品貧母妻衣綾二匹鄉大絹三匹
鍊絲一斤人參十兩花六枝燭二丁包裹黃
絹複子三又命八十歲未滿四品貧八十歲
以上叅上貧叅外有無職僧俗孝子坐於左
同樂亭各賜四品叅上貧酒六盞果九鏢味
六器廣平布十匹絲子十兩叅外有無職僧
俗酒六盞果五區味六器有職小平布五匹
絲子十兩無職小平布五匹絲子六兩孝子
酒果味與僧俗同有職廣平布十匹小平布

十匹無職小平布十匹造米二石八十以上
有職女有無職節婦坐於右同樂亭酒果味
並與左同樂亭同鰥寡孤獨篤廢疾僧俗男
女男坐於左同樂亭女坐於右同樂亭各給
酒四盞果五區味四器米一石命都監負吏
監賜西京八十歲男女孝子順孫鰥寡孤獨
篤廢疾各給酒果味各三器八十男女布三
匹孝子順孫布七匹鰥寡孤獨篤廢疾租一
石東北西南界孝子順孫租六石八十男女

同 鰥寡孤獨篤廢疾租一石其酒果味與西京

宣麻儀

前一日尚舍局鋪王座於大觀殿上設案於
王座南設二獸爐於前楹外左右又設詔案
於殿庭中心近北北向其日依時刻尚乘局
陳繖扇華蓋於殿庭諸仗衛陳列於殿門內
外如常儀設訖閣門先入殿庭東邊西向北
上立有司奉詔函先置於王座前案上訖閣

門引文武群官入就殿庭兩班相對爲首每等異位俱重行北向立定閣門引讀詔官就詔案前北向立閣使上殿請玉座前俛伏跪取詔函以授持函者持函者先行降自東階就案東北西向立閣使降階南向稱聖上不坐殿兩班皆躬身應諾閣使詣詔案之東取詔於函西向授讀詔官跪受興置於案上閣使帥持函者退復位讀詔官再拜興稱有詔舍人喝兩班再拜次披詔二人就立

詔案左右展詔讀詔官北向立讀畢又再拜興退復位舍人喝兩班再拜訖閣門分引以出訖閣門揖退諸仗衛以次出

德宗元年八月丁巳宣麻舊制宣麻於家至是集百官宣於乾德殿從有司請也二年三月辛未教曰頃以有司論請停宣送官告然念恩禮由此漸疎今後文武正三品以上中樞貲皆令差人到家宣制 文宗元年四月丁未宣麻舊制宣麻日宰臣一貲引詔案授

讀詔者至是五宰同日宣麻特命閣門引案
仍爲恒式

東堂監試放榜儀

其日殿上陳設如儀王御隱幕承宣入直重
房便服入庭肅拜中官承傳宣許上殿又再
拜上殿簾前賜坐內侍茶房參上參外皂衫
一時肅拜分立牽龍中禁都知肅拜分立侍
臣皂衫入庭橫拜再拜行頭進步復位揖左
右分立侍臣在前內侍次之牽龍都知在後

祇候引學士就褥位副學士差退立舍人喝
拜舞拜不出行再拜各祇候閣使承傳云上
學士上殿賜坐舍人喝再拜祇候引上學士
上殿西邊坐褥副學士就右侍臣行頭少前
立監試則上學士與副學士同承宣令中禁
出傳諸生入庭唱榜負橫行再拜訖就東廊
階下立內侍參外負執卷內侍文臣三品以
下負次唱榜中禁出喚生姓名諸生入庭
祇候兩負在左右指揮立行唱畢諸生肅拜

三下

宣賜酒果訖肅拜出唱榜負下庭橫行再拜
訖還本位祇候引學士就褥位舍人喝再拜
進步復位拜舞拜躬身承宣下殿至學士前
北向立傳慰諭舍人喝拜舞拜閣使承傳云
宣賜酒果舍人喝再拜各祇候引出訖侍臣
橫行再拜行頭進步復位再拜而出

元宗十四年十月甲寅命叅知政事金垓知
貢舉右承宣李顥同知貢舉取進士舊制二
府知貢舉卿監同知貢舉試日未明知貢舉

坐北牀南向同知貢舉坐西牀東向監察及
奉命別監坐南少西東上北向將校執旗分
立階下舉子既集即鎖門貢院吏名呼舉子
分處東西兩廡各立木懸板書所試題分掛
于其上日至禹中承宣奉金印至同知貢舉
迎之庭中相揖而進知貢舉避于北壁之後
承宣與同知貢舉升堂再拜敘寒溫又再拜
知貢舉出坐北牀下席上承宣北向再拜知
貢舉亦再拜承宣進伏敘寒溫知貢舉即其

四六
宣李

宣賜酒果訖肅拜出唱榜負下庭橫行再拜
訖還本位祇候引學士就褥位舍人喝再拜
進步復位拜舞拜躬身承宣下殿至學士前
北向立傳慰諭舍人喝拜舞拜閣使承傳云
宣賜酒果舍人喝再拜各祇候引出訖侍臣
橫行再拜行頭進步復位再拜而出

元宗十四年十月甲寅命叅知政事金垓知
貢舉右承宣李顥同知貢舉取進士舊制二
府知貢舉卿監同知貢舉試日未明知貢舉

坐北牀南向同知貢舉坐西牀東向監察及
奉命別監坐南少西東上北向將校執旗分
立階下舉子既集即鎖門貢院吏名呼舉子
分處東西兩廡各立木懸板書所試題分掛
于其上日至禹中承宣奉金印至同知貢舉
迎之庭中相揖而進知貢舉避于北壁之後
承宣與同知貢舉升堂再拜敘寒溫又再拜
知貢舉出坐北牀下席上承宣北向再拜知
貢舉亦再拜承宣進伏敘寒溫知貢舉即其

座荅之承宣退又再拜知貢舉亦再拜然後相揖而坐承宣坐東牀西向與同知貢舉相對吏抱舉子卷子以進承宣開金印印之內侍賈進宣醞知貢舉同知貢舉與承宣拜賜就牀飲畢又拜謝承宣迴同知貢舉揖送于庭三場皆如之知貢舉各於入格卷子皆上望科次貼黃標函封平明詣闕王坐便殿承宣二負至門內知貢舉奉函授之傳表至王前坼封文儒承宣讀過其科次上下並依貢

院之望放榜

儀鳳門宣赦書儀

前二日都校令帥其屬立金雞竿於儀鳳門之東南設讀詔臺於雞竿之西儀鳳樓之南中尚署設案於詔臺之上北向前一日尚舍局設幄於儀鳳樓上尚書禮部令監門衛置大鼓於毬庭東西各十五在兩班行外有司陳列衛仗鹵簿如常儀閣門設文武百官板位於儀鳳門前宰臣樞密以下侍臣文武百

寮俱就位肆儀其日質明奏初嚴閣門設太子聞辭位於儀鳳樓之前近北公侯伯在南差退宰臣位又在南差退俱西向北上文官三品位在宰臣之南差退四品以下位次之皆西上西向每等異位俱重行設武官三品位於殿庭之西與文官三品相對四品以下次之皆東上東向每等異位俱重行又設太子拜位於儀鳳樓前近北公侯伯位於太子後宰臣位於公侯後北向東上設左樞密位

於東左侍臣位在樞密之東左奉禮贊者在南差退設右樞密位於西右侍臣位在樞密之西右奉禮贊者在南差退設文官三品位於宰臣東南少絕四品以下位次之設武官三品位於宰臣西南少絕四品以下次之俱北向兩班相對爲首設閣門副使以上位於左侍臣之前舍人以下次之設行事執事申書令侍中禮部尚書刑部尚書戶部尚書刑部侍郎黃門侍郎位於左侍臣之後北上設

協律郎位於儀鳳樓上近西東向依時刻鹵
簿仗衛陳列於毬庭衛仗自大觀殿庭左右
陳列至儀鳳門訖尚舍局設輦褥於殿庭中
心東向引駕官引輅輜輦入殿庭置褥位訖
禮司奏中嚴樞密以下左右侍臣閣門班俱
入殿庭分列左右以俟王服赭黃袍出御大
觀殿鳴鞭禁衛大喝再拜訖奉禮曰再拜樞
密以下侍臣再拜訖侍中版奏外辦俛伏興
退復位王降殿乘輅輜輦輦訖黃門侍郎出庭

中俛伏跪奏黃門侍郎臣某等言請動駕興
出就位仗動鳴鞭樞密及侍臣前導出殿門
兩部樂官奏山呼再拜鼓吹振作禮司奏三
嚴駕至儀鳳門降輦鳴鞭上樓承制近臣及
千牛上大將軍紅黃小傘各一靜鞭承旨等
從升樞密以下左右侍臣出毬庭各就位立
定輅輜平兜輦繖扇旌節前後導從鼓吹儀
衛出毬庭環列文武群官及致仕以理解官
應在庭者各就本班文武西就聞辭位相

對立訖閣門各引王太子公侯伯宰臣就闈
辭位西向立定王出御幄升座稱警蹕協律
郎俛伏跪舉麾興樂作仗衛奏山呼再拜訖
協律郎跪偃麾俛伏興再拜東向立樂止衛
仗再拜奏山呼又再拜閣門奏聞辭訖閣門
各引王太子公侯伯宰臣以下群官就拜位
立定奉禮曰再拜王太子以下群官再拜舞
蹈又再拜班首奏聖躬萬福再拜進步致辭
退復位王太子以下群官再拜舞蹈又再拜

訖刑部尚書立於群官之東西向侍郎領囚
徒立於群官之後北向立定鳳詔自樓上降
下持節持函官前行閣門引中書令至下詔
所中書令北向立閣門取鳳詔授中書令中
書令俛伏興跪受鳳詔置函訖持節持函者
前行閣門引中書令至庭中心班首之右西
向稱有制奉禮曰再拜王太子及群官再拜
訖中書令取詔書傳於讀赦官讀赦官俛伏
興跪受置函訖再拜興持節官前導持函官

次之讀赦官至臺下北向再拜持節持函先
升讀赦官升臺披詔官二負從升持節官脫
節衣分立於左右披詔官對立於案東西披
詔讀赦官讀訖持節官加節衣協律郎跪俛
伏舉麾興監門衛振鼓軍民懽呼協律郎偃
麾止又舉麾振鼓懽呼三而止讀赦官以下
降臺奉禮曰再拜讀赦官再拜奉赦書付刑
部尚書尚書跪受置於函退復位持函官立
於尚書之後訖禁衛大喝再拜奉禮曰再拜

王太子以下群官再拜班首進步致辭退復
位王太子以下群官再拜舞蹈又再拜訖閣
門各引王太子公侯伯宰臣及文武群官卷
班出獄吏詣班南北向躬身稱脫枷囚徒懽
呼再拜西出閣門引戶部尚書就位尚書跪
奉物狀奏稱臣某言諸道貢物請付所司侍
中前承制少退西向曰制可待中還復位閣
門就接物狀進呈訖尚書俛伏興退復位閣
門又引禮部尚書就位尚書跪奉諸方物狀

奏稱臣某言諸方貢物請付所司侍中前承
制少退西向曰制可侍中復位訖閣門就接
物狀進呈訖尚書俛伏興退復位閣門引諸
道奉表負就東邊西向立舍人奏聞辭訖閣
門引就拜位北向奉表跪呈閣門接表進呈
奉表負俛伏興奉禮曰再拜奉表負再拜舞
蹈又再拜行頭奏聖躬萬福再拜進步致辭
退復位奉禮曰再拜奉表負再拜舞蹈又再
拜西出內外學生跪呈歌謠閣門就接進呈

諸生俛伏興再拜進步致辭又再拜訖西出
閣門引諸方客使進賀訖西出進奉方物以
次陳列於東仁德門外承尚書戶部指揮過
庭訖侍中跪奏稱侍中臣某言禮畢請鑾駕
還闕俛伏興退復位王下樓升平堦輦警蹕
侍衛如常儀駕至大觀殿降輦升殿閣門贊
各祗候樞密以下以次退

親祀圓丘後肆赦儀

祭後鑾駕還至儀鳳門前迴輅南向仗衛鹵

薄以次環列左右監門衛設鼓於左右刑部
典獄署以囚徒集於仗外尚舍局設案於輅
前太子公侯伯宰臣樞密文武百官各就位
立定讀赦書官進立於案之南北向近臣進
當輅前再拜搢笏跪受赦書內侍二人對舉
函詣近臣之右近臣置赦書於函俛伏興少
退立於案北俛伏取赦書於函興以授讀赦
書官讀赦書官搢笏跪受赦書捧立於案北
北向近臣進輅前再拜還本位讀赦書官宣

曰有制舍人喝太子以下再拜訖持函二人
對舉函詣讀赦書官之右讀赦書官置赦書
於函持函官跪受興置函於案退復位讀赦
書官退立於案南再拜啓赦書封披詔官二
人進立於案之左右對披赦書讀赦書官讀
訖少退再拜歸本班協律郎俛伏舉麾興監
門衛振作鼓軍民權呼偃麾即止又舉麾振
鼓權呼三而止獄吏詣班南北向躬身稱脫
枷訖刑部尚書跪受赦書以授所司歸本班

訖舍人喝太子以下文武百寮皆再拜行頭
進步致辭退復位皆再拜搢笏舞蹈又再拜
訖王移御平兜輦至興禮門留守宰臣叅訖
王入大觀殿庭降輦升殿閣門贊各祗候樞
密以下揖訖以次退雩祀園立禘禘享及時
享太廟享先農耕籍親幸後肆赦並同此儀

朝野通行禮儀

辛禡十四年昌立九月癸未都評議使司據
朝廷頒降儀注及本國舊儀叅定群臣見殿

下稽首四拜三品見一品四品見二品五品
見三品六品見四品七品見五品八品見六
品九品見七品拜禮則頓首再拜揖禮則躬
身舉手齊眼下致敬上官居上下官居下行
禮上官隨坐隨立無荅路次下官避馬不及
避馬則下馬上官不下馬放鞭過行憲司省
郎所屬六部官及師長親戚不在此限其上
官從優荅禮亦許任意行私禮自一品至九
品差一等者拜禮則頓首再拜上官控首荅

高麗史卷六十八 二五
拜揖禮則躬身舉手齊口下致敬上官舉手
齊心各禮路次下官避馬不及避則下馬上
官亦下馬揖禮如上儀諸官品相等者拜禮
則控首再拜揖禮則左右各舉手齊口下致
敬東西相對行禮路次馬上舉鞭相揖凡民
間拜禮子孫弟姪甥壻見尊長生徒見師範
婢僕見本使行頓首四拜其長幼親戚照依
等次行頓首再拜禮各受從宜平交者行控
首再拜禮凡民間揖禮驗尊卑長幼行上中

下禮凡官民相見不許行胡禮跪見路次不
許行拜禮止行揖禮

宰樞謁諸王儀

仁宗二年閏三月判宰臣樞密於諸王相對
禮拜僕射以下南行禮拜

兩府宰樞合坐儀

先至者離席北向立後至者依其位一行揖
同至席前再拜離席北向伏敘寒暄還至席
前南向再拜離席北向一行揖乃坐知僉議

三十八

三十八

以上至則密直下庭東向北上立俯首佞手
僉議立于其上一行揖升堂拜揖坐如前儀
既得僉議一負同坐更無庭迎之禮唯首相
至亞相以下皆下庭東向北上以迎首相西
向對揖訖升堂拜揖亦如前儀首相獨坐於
東謂之曲坐亞相以下一行坐首相非政丞
不曲坐無庭迎 忠烈王三十三年六月丙
午判僉議密直咨議權授者坐於本官同品
之下又權授者坐於咨議之下諸曹判事東

西從三品亦從上例其咨議權授者若非邀
請並不得參署本官公事

六官諸曹官相謁儀

睿宗十年三月判六官諸曹尚書入則知部
以下祇迎折席拜謁知部以下負外以上一
行拜一行坐七寺三監判事卿監入則少卿
少監以下丞以上隱身一行拜直長注簿以
下祇迎南行拜少卿少監入則丞北向立候
一行拜少卿以下丞以上入則直長注簿以

下祇迎折席拜折席坐諸署局六品以上入
則直長祇迎折席拜折席坐

諸都監各色官相會儀

仁宗十九年四月判諸都監使入則副使隱
身判官錄事祇迎副使入則判官隱身錄事
祇迎於使副使一行拜判官錄事折席拜於
副使判官一行拜錄事折席拜判官錄事則
一行拜使坐東副使坐西判官錄事北行坐
各色則勿論職次雖參外員並一行拜一行

坐

參上參外人吏掌固謁宰樞及人吏掌
固謁參上參外儀

肅宗二年五月判凡內外衙門員以上坐床
治事大朝會日進步起居平時揖而不拜宰
樞廳參上廳內參外階上人吏掌固沒階行
禮參上廳參外廳內人吏掌固沒階行禮參
外廳人吏階上掌固沒階行禮外官廳長典
記官並沒階行禮西班則攝郎將以上准參

上散貧以上准叅外校尉隊正准人吏旗頭
都典准掌固庶人見常叅以上起身唱喏經
過 辛禡元年十二月丁亥始令各司胥吏
署白方笠道遇六曹佐郎以上官馬前三拜

三字下

文武貧將人吏起居儀

仁宗二十二年九月判文武貧將人吏祇迎
起居隔日一敘賀謝二敘祇揖過半躬身

三字下

監獄日臺省內侍坐起儀

睿宗十六年八月判監獄臺省內侍皆一時

教定並以職次交坐

三字下

按察使別銜及外官迎行幸儀

大駕入界按察使別銜以本服於駕前令隨
使呈叅狀無隨使別銜自手呈叅狀奉翊以
上留守牧使令幕下叅外貧呈叅狀中禁傳
受指諭披奏按察使別銜拜舞拜不出行再
拜進步致賀訖拜舞拜揖畢外官則境上設
香爐叅以上親呈叅狀餘如上儀若命除禮
服則再拜不出行再拜進步致賀再拜揖禮

畢次行從都監宰樞承宣重房進拜其拜時
勿論職次隔一行一時拜

三字下

外官迎本國詔書儀

迎香儀同

其日外官備樓子出城外亭子就拜席虛揖
再拜進香卓前跪上香退復位再拜揖外官
先行次樓子次使臣至官門使臣捧詔書先
入從西階升正廳楹內近東立外官至東階
揖升進拜席揖再拜訖上香還拜位奉笏跪
聞詔訖再拜舞蹈又再拜進步再拜揖出進

步或在舞蹈前

三字下

外官問聖儀

使臣先入正廳外官入庭中揖就階下揖升
就拜席揖再拜舉笏出柱外詣使臣前落笏
躬身問上體若何使臣答云千歲外官少退
跪承傳仍伏後落笏趨退又舉笏就拜席再
拜進步後又再拜揖畢其餘揖如初凡問聖
外官於銜命宰臣及受鈇鉞都統則距官門
三千步內常番兵馬行首銜命承宣則二千

畢次行從都監宰樞承宣重房進拜其拜時
勿論職次隔一行一時

三字下

外官迎本國詔書儀迎香儀同

其日外官備樓子出城外亭子就拜席虛揖
再拜進香卓前跪上香退復位再拜揖外官
先行次樓子次使臣至官門使臣捧詔書先
入從西階升正廳楹內近東立外官至東階
揖升進拜席揖再拜訖上香還拜位奉笏跪
聞詔訖再拜舞蹈又再拜進步再拜揖出進

步或在舞蹈前

三字下

外官問聖儀

使臣先入正廳外官入庭中揖就階下揖升
就拜席揖再拜舉笏出柱外詣使臣前落笏
躬身問上體若何使臣答云千歲外官少退
跪承傳仍伏後落笏趨退又舉笏就拜席再
拜進步後又再拜揖畢其餘揖如初凡問聖
外官於銜命宰臣及受鈇鉞都統則距官門
三千步內常番兵馬行首銜命承宣則二千

步內以下負一千步內出行禮其屬縣過行使臣不用此禮

三
下

新及第進士榮親儀

新及第入州日州官先送將校伶人于近境次帥州吏出五里亭具公服設香卓及拜位新及第至亭下馬州官出門相揖入亭新及第立東北隅州官行問上禮訖新及第由西階先出判官亦出副使移立於東壁新及第呈叅狀升正廳向北折席再拜少進又再拜

又少進敘寒暄再拜少伏乃出副使隱身判官還入廳立東壁新及第又從西俠門升廳一行行禮如上儀訖新及第先行州官隨至本家略設酒果令新及第上壽父母乃出州官從行父母隨至館舍南廳父北末新及第南行父若鄉吏則接房新及第北末副使東壁判官北壁隨宜而坐酒第一行州官親酌獻父母次進酒食奏樂雜技宴罷新及第謝再拜寒暄又再拜出若無兩親則代以養父

母妻父母皆無則代以伯叔父行禮如上儀

三品下

外官出官儀

外官入正廳就拜席聽喝再拜進步又再拜
又進步再拜揖就座放笏奉藥訖三班行禮
畢正朝及每朔朝亦同

三品下

三品使臣按察使相會儀

三品使臣將至按察使立於館門內使臣下
馬按察使呈叅狀再拜使臣先入就座按察
使更呈叅狀從西階入楹內差退斜行拜坐

則使臣北邊按察使東壁

三品下

按廉諸別銜相會儀

按廉諸別銜至則先至者出中門祗迎相揖
入廳一行拜一行坐叅上官西壁叅外別銜
無揖一行拜一行差退坐

三品下

兵馬使及軍官拜坐儀

使若上將軍判事則南向知兵馬事東壁副
使西壁俱設床坐判官錄事南行業師及內
廂都領指諭北壁皆設席坐拜時副使以上

前楹外判官階上沙地錄事庭沙地朔朝行禮則判官錄事庭東邊業師西邊內廂左右都領指諭分左右立副使以上坐西廊兵馬使坐東上房待諸使一齊訖出廳行禮還入房副使以上升詣廳上判官錄事出西廊若兵馬使知兵馬一時行禮則知兵馬後行副使以上次後行判官錄事次一行行禮訖判官錄事先下立本位後以次出若不許一時行禮則副使以上行禮後判官錄事業師出

南廳東西相對坐左右內廂十將以下執旗而進分立待行禮訖兵馬使出廳坐以次受拜禮其官牧大都護則副使從階上沙地判官以下從庭沙地出入兵馬使若大將軍及單三品而無知兵馬則使南向副使東壁判官錄事西壁拜時出入則副使從前楹外判官階上沙地錄事從庭沙地兵馬使雖上將軍判事若知兵馬以下分道而坐則知兵馬南向副使東壁判官錄事西壁雖三品貧無

兵馬錄事隨使丁吏則爲單使坐東壁分道將軍按廉相會則隔一席一行坐兵馬判官錄事相會則坐西壁拜時出入則分道將軍按廉使兵馬判官從前楹外錄事從階上沙地其官牧大都護則副使從前楹外判官從階上沙地叅外從庭沙地小都護知官則副使從階上沙地叅外從庭沙地

三下
北界營主副使及幕下負相會儀

營主北壁副使將軍東壁臺監倉兵馬錄事

西邊各城行首南邊於兵馬知兵馬事副使將軍拜於副使兵馬判官安北都護府使相揖錄事各城行首負以下拜副使及兵馬負相會則副使東邊臺監倉兵馬錄事西邊各城行首負北邊迎營主則副使立於外門之內待營主下馬呈叅狀拜營主先入就座副使更呈叅狀從西階入楹內近南拜訖坐東邊兵馬判官錄事謁副使則並從西階入楹內判官相揖錄事斜行拜坐則副使東邊判

官錄事西邊於各城行首參上參外並從西階入楹內斜行拜坐則北邊各城判官以下從沙地進退別命內侍參上處兵馬副使一行坐參外則兵馬副使處拜坐於判官之下錄事之上

三字

兩界兵馬使廳行禮儀

使南向坐知兵馬事從西俠門入北向拜訖坐東壁兵馬副使將軍二人紫衣佩刀從沙地上階依前拜後判官錄事並以次坐巡行

則兵馬錄事處分營兵馬副使佩刀上階折席拜大小別銜負出入禮並依兵馬使格

三字

外方城上錄事謁宰臣及外官迎宰臣

儀

宰臣發京日錄事於宰臣前隨官行禮翌日朝謁宰臣發行錄事祇送隨行入各官境中道其官負於宰臣前錄事處各呈禮私狀及官中公狀參外負於遠亭參上負於近亭各親呈參狀宰臣過行錄事處亦呈參狀錄事

答以入官相謁令先行外官徑到官門外又呈叅狀祇迎宰臣入廳有南廳則令錄事於南廳閱視官負行禮錄事立東北隅以次閱視無南廳則宰臣入東上房於大廳閱視訖以告宰臣退出西上房宰臣出廳南向坐錄事入謁次隨使丁吏入謁其官負長吏以次入謁宰臣若除問聖行禮則錄事以下行禮又除錄事以下行禮則外官入謁宰臣接房後錄事接房叅上叅外負以次入謁叅上負

則交呈叅狀出房戶外祇迎相讓以入設席一行拜還坐叅外負吳叅狀則橫帟受拜公私禮畢還坐衙前長吏以下入謁

三品下

諸道計點使中護評理尹使相會儀

三品以下新命別衙至中護評理尹使行問上禮別衙退出三品則立於西廊待尹使南向坐呈叅狀從西階入楹內南邊俯伏尹使差退斜行拜提察等四品以下別衙依出使宰臣叅謁禮從沙地進退坐則中護評理尹

使北邊南向三品別銜東邊提察以下叅上
別銜西邊無三品別銜則提察等三品別銜
東邊各官叅上負西邊若別命叅外別銜於
東邊差退坐

平壤府尹迎觀察使儀

觀察使至府尹郊迎庭下行禮呈叅狀捲帳
入一行拜一行坐使在東尹在西各官負行
禮則奉翊以下從沙地入南行拜奉翊通憲
以上安撫使萬戶從俠門下半沙地入南行

拜南行坐蓋鐵使於都觀察使都節制使及
兩府以上節制使從俠門下半沙地入南行
拜坐於東壁牧都讓府使若奉翊通憲以上
則交呈叅狀相對拜蓋鐵使南向坐牧都護
府使東壁坐正順以下從沙地入南行拜南
行坐

牧都護知州負同坐儀

牧都護判官以上知州防禦副使判官以上
同廳坐牧都護掌書記法曹知州防禦法曹

別廳坐奉命使臣處問聖體及有名目行禮
則法曹以下醫文師後行敘立

三字
外官迎兵馬使及兵馬使外官迎銜命
宰樞儀

兵馬使至牧都護知州事出五里亭祇迎從
沙地南行拜兵馬錄事則半身呈叅狀錄事
為頭一行拜東西相對坐若銜命宰樞及元
帥至兵馬與諸別銜外官並於五里亭祇迎
從沙地入南行拜於錄事除叅狀

三字
外官遙謝改銜儀

其日設香爐外官上香就席末揖就席再拜
不出行再拜訖舞蹈或進步後再拜舉袖膝
進云今授某職臣無仁誠惶誠恐膝退俛伏
興再拜舞蹈又再拜揖出

三字
西京官寮加職遙謝儀

西京受散官者會長樂宮向闕再拜奏聖體
拜舞拜訖謝恩致詞拜舞拜稱新銜
防禦負將謁按廉及叅上官儀

三字

別抄將校及凡別差官於按廉及界首官沒階祇揖

志卷第二十二

志卷第二十三

高麗史六十九

正憲大夫工曹判書集賢殿大提學知經進春秋館事兼成均大司成臣鄭麟趾奉

教修

禮十一

二下 廿

嘉禮雜儀

上元燃燈會儀

小會日坐殿前期都校署設浮階於康安殿階前尚舍局率其屬設玉幄於殿上設便次於玉幄東設二獸爐於前楹外尚衣局設花

古 廿 五

別抄將校及凡別差官於按廉及界首官沒階祇揖

志卷第二十二

志卷第二十三

高麗史六十九

正憲大夫曹判書集賢殿大提學知經進春秋館事兼成均大司成臣鄭麟趾奉

教修

禮十一

二下

嘉禮雜儀

上元燃燈會儀

小會日坐殿前期都校署設浮階於康安殿階前尚舍局率其屬設玉幄於殿上設便次於玉幄東設二獸爐於前楹外尚衣局設花

古 切 5

案於王座左右楹前殿中省列燈籠於浮階
之上下左右設彩山於殿庭內庫使列尊壘
於殿庭左右其日王服施黃衣出御便次率
龍官中禁都知殿門內外衛仗奏山呼再拜
訖承制負近侍官俱服便服以次升詣陞上
拜位行頭自喝再拜訖退立於階上西邊東
向比上次閣門負入殿庭橫行北向東上行
頭自喝再拜訖俱就庭東西向北上立次上
將軍以下宿衛入殿庭橫行北向東上行頭

自喝再拜訖分立於東西次殿中省六尚局
諸後殿官入殿庭就位再拜訖就庭西東向
北上立次百戲雜伎以次入殿庭連作訖出
退次教坊奏樂及舞隊進退具如常儀 謁
祖真儀便殿禮畢禮司奏初嚴鹵簿儀仗陳
列於毬庭繖扇衛仗自康安殿庭左右陳列
至泰定門尚舍局設輦褥於殿庭中心近北
東向設太子公侯伯宰臣拜位於輦褥南近
南俱北向東上引駕官引輦輦輦入置褥位

訖禮司奏中嚴樞密以下侍臣入殿庭分列
左右左右承制千牛上大將軍就殿東西階
下備身將軍中禁都和指諭各分左右升立
於浮階上以俟王服赭黃袍出坐殿鳴鞭禁
衛奏山呼再拜太史局奏時刻板左右承制
千牛上大將軍自東西階升立於斧扆左右
舍人喝樞密以下侍臣再拜次閣門各引太
子公侯伯宰臣入就位舍人喝太子以下再
拜訖閣門引太子公侯伯宰臣卷班西出次

攝侍中就殿庭中心俛伏跪奏外辦俛伏興
退復位王降殿御輶輜尚衣奉御進手衣
尚乘奉御進案訖黃門侍郎進當輦前俛伏
跪奏請動駕俛伏興退復位仗動鳴鞭樞密
左右侍臣前導出殿門教坊樂鼓吹振作禮
司奏三嚴駕至泰定門黃門侍郎奏請駐輦
舍人喝文武群官再拜次黃門侍郎請勅群
官上馬攝侍中傳宣曰可黃門侍郎傳侍臣
將相文武兩班宣許上馬舍人喝樞密以下

侍臣及兩班承制負以下近侍官應騎者及
六尚局諸後殿官俱再拜次黃門侍郎奏請
動駕侍臣引駕至昇平門外導從群官皆上
馬駕至奉恩寺三門外群官皆下馬侍臣引
駕入三門內王下輦入幄次閣門引太子以
下先詣真殿門外布立以俟王行至真殿門
內北向立閣門引太子公侯伯宰臣各就階
下褥位北向西上立侍臣於宰臣後合班北
向西上立定文武群官於侍臣後兩班相對

爲首北向立定訖樞密贊拜王拜舍人喝太
子以下群官皆再拜每王拜後舍人喝太子
以下俱拜下皆倣此王入殿庭閣門引太子
公侯伯宰臣升階上褥位立定王至殿戶外
樞密贊拜王拜太子以下群官再拜王入戶
內再拜酌獻訖又再拜太子以下群官再拜
樞密進福酒王再拜飲訖又再拜飲福前後
臣下無拜出殿戶再拜太子以下群官再拜
閣門引太子公侯伯宰臣下階就拜位王出

詣門內位北向立樞密贊拜王拜太子以下
群官再拜訖宰密引王還幄次閣門引太子
公侯伯宰臣俱出就幕侍臣兩班出三門外
陳列如常儀引駕官引平兜輦入置於輦褥
訖禮司奏嚴王服赭黃袍出御平兜輦鳴鞭
黃門侍郎奏請動駕仗動駕出三門外黃門
侍郎奏請駐輦黃門侍郎請勅群官上馬攝
侍中傳宣曰可黃門侍郎傳侍臣負將文武
兩班宣許上馬舍人喝樞密以下侍臣兩班

應騎者俱再拜如來儀次黃門侍郎奏請動
駕群官皆上馬駕行入泰定門至康安殿庭
降輦升殿閣門贊侍臣等各祗候樞密以下
左右侍臣揖退 大會日坐殿王出御便次
承制負近侍官閣門負及諸宿衛中禁都知
牽龍官殿門內外衛仗等禮數及教坊奏樂
並如小會儀便殿禮畢茶房設果安於王座
前設壽尊案於左右花案南尚舍局設王太
子位於王座東南西向設公侯伯位於王座

西南東向北上太子不進則公侯伯分左右
設左右樞密位於浮階上近北相向左侍臣
位在左樞密之東右侍臣位在右樞密之西
太子公侯伯果案未坐前先設尚乘局陳蟠
龍孔雀紅繡扇於殿庭左右水精杖在左鉞
斧在右尚舍局以次設太子公侯伯樞密拜
褥於殿庭中心近南北向東上侍臣位在樞
密之後橫行合班俱北向東上設訖左右承
制近侍官閣門負六尚局諸後殿官改服公

服千牛上大將軍備身將軍牽龍班中禁都
知等諸衛仗各服其器服左右承制千牛上
大將軍就殿東西階下備身將軍中禁都知
指諭各分左右升立於浮階上以俟王服赭
黃袍出坐殿鳴鞭禁衛奏山呼再拜太史局
奏時刻版左右承制千牛上大將軍自北西
階升立於斧展左右閣門負就殿庭橫行北
向東上立行頭自喝再拜舞蹈又再拜奏聖
躬萬福又再拜訖分立於左右閣門各引太

子公侯伯樞密侍臣入就拜位舍人喝太子
以下再拜舞蹈又再拜奏聖躬萬福再拜太
子進步致辭謝喚退復位舍人喝再拜舞蹈
又再拜左執禮官前承旨下殿就太子東比
向殿揖西向傳上來舍人喝太子以下再拜
閣門負分東西引上殿左右執禮官承引就
席後立定公侯伯分東西位取上命近待官
進茶執禮官向殿躬身勸每進酒進食執禮
官皆向殿躬身勸後皆做此次賜太子以下

侍臣茶茶至執禮官贊拜太子以下再拜執
禮官贊飲太子以下皆飲訖揖每設太子以
下侍臣酒食左右執禮贊拜贊飲贊食後皆
做此次執禮官引太子及公侯伯樞密侍臣
就拜位每太子以下欲獻壽尚舍局鋪褥於
拜位已則徹去後皆做此執禮官喝太子以
下再拜每獻壽負在階上拜皆執禮官喝後
皆做此跪奏云臣某等伏值上元盛會不勝
大慶謹上千萬歲壽酒伏候聖旨執禮官自

東階升殿就玉座東南俛伏跪奏承制傳奏
訖傳宣曰可執禮官俛伏興退就太子東北
向殿揖西向傳宣許凡執禮官進退禮數後
皆倣此喝太子以下再拜訖引太子及上公
出詣洗所盥手次酌酒訖近侍官二人奉盞
及注子先升每獻壽則近侍官奉注子盞先
升太子及上公自東階上殿俛伏興詣玉座
左西向跪太子奉盞上公奉注子酌酒玉舉
盞樂作舉酒訖樂止太子受虛盞近侍官承

受盞注子少退跪太子及上公俛伏興下殿
就拜位執禮喝太子以下侍臣再拜舞蹈又
再拜訖各就位次行太子以下侍臣酒執禮
贊飲太子以下再拜執盞樂作飲訖揖樂止
次近侍官進酒進食及太子以下侍臣行酒
設食禮數樂作止如儀進三味雙下後執禮
引太子公侯伯樞密侍臣就拜位喝太子以
下再拜跪奏請上千萬歲壽酒執禮官請王
座前跪奏承制傳宣曰可執禮官承傳喝太

子以下侍臣再拜太子公侯伯樞密出詣洗
所盥手王入便次少頃出坐殿近侍官以函
奉花又近侍官二人奉盞及注子先升太子
以下樞密以上上殿俛伏興太子詣王座右
西向跪承制負取花一枝授太子太子奉花
跪進樂作承制負又取一枝授太子太子跪
進御花一番凡十二枝獻壽負或獻二枝或
獻三四枝量獻壽負多少分獻王戴花太子
少退俛伏跪公侯伯樞密繼進獻花如上儀

訖樂止太子俛伏興詣王座右奉盞跪公侯
伯樞密以次奉注子酌酒樂官上階奏樂王
舉盞樂作舉酒訖樂止太子受虛盞近侍官
承受盞注子少退跪太子以下俛伏興下殿
就拜位執禮喝太子以下侍臣再拜舞蹈又
再拜舞蹈又再拜執禮官稱躬身樞密以上
皆躬身執禮官傳迴賜別盞樞密以上皆再
拜近侍官二人以函奉迴賜花及封藥宣果
注子盞先升太子詣王座右俛伏跪承制取

花進王手賜樂作太子捕訖俛伏退跪公侯
伯樞密以次進受花如上儀訖樂止太子詣
王座左俛伏跪承制取封藥跪進王手賜太
子受訖承制奉注子近侍官奉盞承制贊酌
酒太子少前受盞近侍官傳受詣殿上東壁
太子飲位立又承制以宣果授太子太子受
訖俛伏興退立於飲位公侯伯樞密以次進
受迴賜如上儀執禮官贊飲太子以下向王
座揖樂作飲訖樂止近侍官各受虛盞太子

以下揖下殿就拜位喝再拜舞蹈又再拜各
就位次執禮官傳左右侍臣宣賜花酒侍臣
皆再拜近侍官監賜花酒宣果侍臣戴花執
盞樂作飲訖樂止侍臣又再拜次傳侍立負
將宣賜花酒次傳兩部樂官及山臺樂人宣
賜花酒侍奉軍人宣賜酒果訖執禮官承旨
稱賜坐太子以下侍臣再拜赴座進酒食及
太子以下侍臣行酒設食樂作止如常儀至
別盞侍臣獻壽執禮官引侍臣就拜位合班

立執禮喝侍臣再拜跪奏請上千萬歲壽酒
執禮官上殿跪奏承制傳宣侍臣盥洗並如
上儀王入便次少頃出坐殿近侍官奉注子
盞先升侍臣上殿以次獻壽王舉酒樂官上
階奏樂舉酒訖樂止侍臣下殿就拜位執禮
喝侍臣再拜舞蹈又再拜執禮稱躬身侍臣
皆躬身執禮傳迴賜別盞侍臣再拜近侍官
以函奉封藥宣果及盞注子先升侍臣上殿
詣王座右俛伏跪承制跪取封藥進王手賜

侍臣受訖近侍官奉盞承制贊酌酒侍臣受
盞傳授奉盞者又近侍官以宣果授侍臣受
訖俛伏退侍臣以次受酒及封藥宣果訖請
飲位執盞樂作飲訖樂止下殿就拜位執禮
喝侍臣再拜舞蹈又再拜訖各就位次傳侍
立貧將兩部樂官侍奉軍人宣賜酒果如初
訖次近侍官進酒進食及太子以下侍臣行
酒設食禮數樂作止如儀至禮畢王入便次
有旨放謝則太子以下公侯伯樞密侍臣揖

退執禮官引出

顯宗元年閏二月復燃燈會國俗自王宮國都以及鄉邑以正月望燃燈二夜成宗以煩擾不經罷之至是復之二年一月設燃燈會于清州行宮是後例以二月望行之 文宗二年二月甲申燃燈以望日癸未寒食至是日行之 恭愍王二十三年正月壬午燃燈初太祖以正月燃燈顯宗以二月爲之至是有司以公主忌日請復用正月

三

仲冬八關會儀

小會前期都校署設三級浮階於儀鳳門東殿階下尚舍局率其屬設幄於殿上當中南向鋪玉座如常儀設便次於幄東尚衣局設花案於玉座前楹間左右茶房設果案於玉座前設壽尊案於左右花案南尚舍局設王太子位於玉座東南西向設公侯伯位於殿上東西壁俱北上相向設二獸爐於楹外左右又設左右樞密位於上階近北左右侍臣

分在樞密之後俱北上相向設協律郎位於上階西近南東向設中階侍臣位於階左右俱北上相向設樂卓於左右侍臣之後設饌及茶房幔於中階東又設茶房幔於中階西內庫使列大尊壘於沙墀左右以北爲上禮部率其屬植黃龍大旗二於沙墀東西近階閣門設太子聞辭褥位於沙墀中近東西向公侯伯位次之宰臣位又次文俱差退西向北上文官三品位在南差退四品以下位次

之俱西上每等異位重行西向設武官三品位於沙墀西四品以下位次之俱東上當文官每等異位重行東向又設太子拜位於沙墀中近北公侯伯位於太子後宰臣位於公侯後皆北向東上設左樞密位於東階南左侍臣在其東左奉禮贊者在南差退設右樞密位於西階南右侍臣在其西右奉禮贊者在南差退皆北上設文官三品位於宰臣後東南少絕四品以下在三品後設武官三品

位於宰臣後西南少絕四品以下在三品後
俱北向兩班相對爲首設閣門副使以上位
於左侍臣西南少絕通事舍人以下在南差
退北上前一日左右樞密侍臣仗衛樂部自
大觀殿陳列出儀鳳門宰臣以下文武百寮
俱就沙墀位隸儀訖揖退 鑾駕出宮其日
質明尚舍局鋪王座於大觀殿上鋪輦褥於
殿庭中心東向禮司依時刻奏初嚴鹵簿儀
仗出陳於毬庭繖扇衛仗自大觀殿庭左右

陳列至儀鳳門訖引駕官引輶輜輦入置褥
上訖禮司奏中嚴樞密以下侍臣閣門班入
殿庭左右分列以俟千牛上大將軍備身將
軍各服其器服入侍王服赭黃袍出御宣仁
殿禁衛奏山呼承制以下近侍官以次朝賀
訖左右承制引王出御大觀殿升座鳴鞭殿
內外衛仗大喝再拜次舍人喝樞密侍臣再
拜訖侍中版奏外辦俛伏興退復位王降殿
御輶輜輦黃門侍郎跪奏請動駕俛伏興退

復位仗動鳴鞭樞密及左右侍臣前導出殿
門教坊樂作禮司奏三嚴駕至儀鳳門降輦
便御樓上樞密及左右承制執禮官從升王
入樓上幄次改服靴袍樞密引王詣祖真前
北向再拜酌獻又再拜訖自閣道御幄殿便
次樞密及承制執禮官竝出就位 坐殿受
賀群臣獻壽王御便次有頃左右承制千牛
上大將軍備身將軍內侍茶房御廚負寮協
律郎水精鉞斧杖銀鞞所子持節持旌官牽

龍靜鞭掌扇承旨中禁班等應上階者各升
階左右承制千牛上大將軍就幄殿東西階
下北向立以俟水精鉞斧杖銀鞞所子分在
殿階下水精杖在左鉞斧在右盤龍孔雀扇
分在東西彩屏內旌節分在其前千牛備身
將軍又分在其前俱北上相向立內侍茶房
御廚負寮分左右在東西彩屏之外近南相
向立牽龍官在南軒內以中爲首分左右北
向立中禁二人分在東西側階檢督升者雙

龍鳳扇分在中階左右樂卓前先排中禁六
人就中階分左右北向立其餘中禁分就各
階左右檢督御前教坊樂官就沙墀分左右
在侍臣後北向立樞密以下左右侍臣俱就
沙墀位閣門各引太子公侯伯宰臣文武百
寮就聞辭位立定輶輜輦平甕輦曲直華蓋
前後導從鼓吹儀衛並出沙墀就群官拜位
後北向陳列王服赭黃袍將出近侍官褰簾
鳴鞭協律郎俛伏舉麾興教坊奏樂鼓吹振

作王升座鳴鞭左右承制千牛上大將軍自
東西階升殿分立斧展左右爐烟升太史局
奏時刻板協律郎跪偃麾俛伏興再拜樂止
衙仗再拜奏山呼又再拜訖分就沙墀侍臣
位後北上立次閣門負就奏聞辭位奏稱太
子公侯伯宰臣樞密及文武兩班等祗候朝
賀奏訖退復位閣門引太子以下群官就拜
位立定舍人喝太子以下群官再拜舞蹈又
再拜太子奏聖躬萬福舍人喝太子以下群

官皆再拜太子進步致辭辭云臣某等幸值
八關盛會不勝大慶臣某等無任誠懼誠忭
激切之至退復位舍人喝太子以下群官再
拜舞蹈又再拜訖閣門引太子及上公太子
不進則獻壽公侯及宰臣唯上所命升自東
階至上階左執禮官承引就褥位舍人喝太
子上公及沙墀群官皆再拜太子上公跪奏
云臣某等幸值八關盛會不勝大慶請上千
萬歲壽酒伏候聖旨左執禮官自東階升殿

就玉座東南俛伏跪奏承制傳奏訖傳宣曰
可執禮官俛伏興下階就太子東北向殿揖
西向稱宣許舍人喝太子上公及沙墀群官
皆再拜左執禮官引太子上公出詣洗所盥
手近侍官進茶執禮官向殿躬身勸次酌酒
訖殿中監奉盞近侍官奉注子先升太子上
公自東階升殿俛伏興詣御座左西向跪太
子奉盞上公詣太子之左奉注子酌酒王舉
盞協律郎舉麾樂官奏歌曲天醞香王舉酒

訖太子受虛盞殿中監承受盞近侍官受注
子少退跪協律郎偃麾樂止太子上公俛伏
興下殿閣門引就沙墀拜位舍人喝太子以
下群官再拜舞蹈又再拜訖立定初獻壽訖
司宰卿進食殿中監進酒三進食後右執禮
自西階升上階就位北向立左執禮承旨下
階詣太子東北向殿揖西向傳宣云卿等所
賀已知仍賜所司茶酒舍人喝太子以下群
官再拜舞蹈又再拜訖閣門各引太子公侯

伯樞密升階侍臣隨之左右執禮官承引太
子公侯伯就殿上位樞密及侍臣給舍中丞
正四品知制誥及待制以上就上階位其在
中階者並分左右以北爲上就位立閣門引
宰臣及文武三品以下群官分詣左右同樂
亭及左右廊訖閣門引三京留守東西兵馬
使八牧四都護奉表負入就闈辭位西向北
上立定閣門奏闈辭云持表某官臣某等祗
候朝賀訖引就拜位北向東上奉表跪閣門

拜進
432

接上持表負俛伏興舍人喝持表負再拜舞蹈又再拜奏聖躬萬福再拜進步致辭退復位再拜舞蹈又再拜閣門傳宣賜坐看樂兼賜酒食舍人喝再拜舞蹈又再拜卷班西出次閣門班近階橫行北向東上立行頭自喝再拜舞蹈又再拜奏聖躬萬福再拜進致辭退復位再拜舞蹈又再拜訖正四品知閣以上升上階少卿知閣以下副使以上升中階通事舍人以下就沙墀分左右立訖殿省六

尚局諸後殿官自西側階升上階在西彩房後近南東向立承制傳宣差降上階左侍臣一負中階左右侍臣各一負分遣左右同樂亭宰臣及文武三品官幕傳宣賜坐承命者皆再拜下階上階侍臣詣宰臣幕階下傳命位南向立宰臣皆下階就拜位向殿立定將命者稱奉宣宰臣再拜躬身口宣訖宰臣又再拜皆赴坐將命者升復位再拜其中階侍臣口宣及文武三品官拜命禮數並如上儀

接上持表負俛伏與舍人喝持表負再拜舞蹈又再拜奏聖躬萬福再拜進步致辭退復位再拜舞蹈又再拜閣門傳宣賜坐看樂兼賜酒食舍人喝再拜舞蹈又再拜卷班西出次閣門班近階橫行北向東上立行頭自喝再拜舞蹈又再拜奏聖躬萬福再拜進致辭退復位再拜舞蹈又再拜訖正四品知閣以上升上階少卿知閣以下副使以上升中階通事舍人以下就沙墀分左右立訖殿省六

尚局諸後殿官自西側階升上階在西彩房後近南東向立承制傳宣差降上階左侍臣一負中階左右侍臣各一負分遣左右同樂亭宰臣及文武三品官幕傳宣賜坐承命者皆再拜下階上階侍臣詣宰臣幕階下傳命位南向立宰臣皆下階就拜位向殿立定將命者稱奉宣宰臣再拜躬身口宣訖宰臣又再拜皆赴坐將命者升復位再拜其中階侍臣口宣及文武三品官拜命禮數並如上儀

又沙墀閣門官二員承旨分詣文武四品以下幕其口宣及四品以下官拜命禮數又如上儀次左執禮官承旨在上階向殿揖西向序兩部樂官宣許上階次傳近仗十人宣許上階兩部樂官及衛仗將士並山呼再拜以次各升階分左右俱北上重行立都知班升中階白甲仗升下階分左右立次曲直華蓋分東西升階輶輦平輿輦及符寶等還列儀鳳門內協律郎舉麾太樂令板奏百戲協

場百戲俱進少頃協律郎偃麾百戲俱退次設樞密以下兩階侍臣及沙墀閣門員等果案殿上太子公侯伯果案未坐前設近侍官進茶食次設太子公侯伯及樞密兩階侍臣茶食左右執禮官贊拜太子以下樞密侍臣皆再拜就座受食食訖起揖中階侍臣立受食次近侍官進茶次賜太子公侯伯樞密侍臣茶執禮官贊拜太子以下樞密侍臣皆再拜受茶飲訖揖太樂令板奏萬邦呈奏九成

雅樂沙墀衆樂以次迭作如式次近侍官進食次設太子以下侍臣食執禮官贊食王舉食樂作太子以下侍臣揖就座食訖起揖樂止次近侍官進酒王舉酒樂作舉酒訖樂止次行太子以下侍臣酒執禮官贊飲太子以下侍臣再拜受酒樂作飲訖樂止次進食次設太子以下侍臣食禮數樂作止竝如上儀次進酒王舉酒樂作舉酒訖樂止次行太子以下侍臣酒執禮贊飲太子以下揖執盞樂

作飲訖揖樂止次進雙下次設太子以下侍臣食樂作食訖樂止每受酒受食前後皆揖唯別盞前後皆再拜執禮官引太子公侯伯下殿與樞密及上階侍臣各就拜位俱北向東上立中階侍臣於其階各出立於果案前下做此執禮官喝太子以下兩階侍臣再拜跪奏云臣某等請上千萬歲壽酒伏候聖旨執禮官升殿跪奏承制傳奏訖傳宣曰可執禮下殿稱宣許太子以下侍臣皆再拜引太

子公侯伯樞密出詣洗所盥手兩階侍臣在
拜位跪以俟王入便次少頃王出坐殿爐烟
升太子公侯伯樞密便升殿俛伏興太子詣
王座右奉盞公侯伯樞密以次奉注子酌酒
王舉酒樂作舉酒訖樂止太子受虛盞近侍
官承受盞注子少退跪太子以下俛伏興下
殿就拜位喝再拜舞蹈又再拜拜訖兩階侍
臣就本位執禮官稱躬身樞密以上皆躬身
執禮官傳迴賜別盞樞密以上皆再拜近侍

官奉注子盞先升樞密以上升殿俛伏跪承
制奉注子近侍官奉盞承制贊酌酒太子少
前受盞近侍官傳受詣殿上東壁太子飲位
立太子俛伏興退立於飲位次公侯伯樞密
以次進受迴賜如上儀執禮官贊飲樞密以
上向王座揖受盞樂作飲訖樂止近侍官各
受虛盞樞密以上揖下殿就拜位執禮贊拜
樞密以上皆再拜舞蹈又再拜獻壽後迴賜
禮數後皆倣此各就位次差降承制一頁中

階左右侍臣各一員分遣左右同樂亭宰臣
幕及文武三品官幕賜別盞承命者皆再拜
下階承制將詣宰臣幕茶房人吏二人具注
子奉別宣酒與宣送教坊樂官俱隨後承制
至幕階下傳命位南向立樂官東向陳列宰
臣皆下階就拜位承制稱奉宣宰臣再拜躬
身口宣訖宰臣又再拜升階上少前向西立
承命者升階於宰臣北南向立尚食局設果
案茶房人吏一人奉盞又一人斟酒樂作飲

訖樂止承制下階南向立宰臣就拜位再拜
舞蹈又再拜還就位承制率樂官升階復命
再拜其中階侍臣口宣及文武三品官拜命
禮數並如上儀但無樂官爲異又沙舞閣門
官二員分詣文武四品以下幕其口宣及四
品以下拜命禮數如三品儀初太子以下受
迴賜後拜訖就位執禮官承旨傳左右侍臣
宣賜別盞執禮官贊拜兩階侍臣皆再拜酒
至侍臣皆揖受酒樂作飲訖樂止再拜次傳

侍立負將兩部樂官侍奉軍人宣賜酒果訖
左右承制千牛上大將軍內侍茶房叅上負
殿上左右執禮以次就殿上西壁東向北上
立再拜受酒飲訖再拜各就位每宣賜別盞
及大會日受花封藥宣果皆倣此執禮官承
旨稱賜坐太子以下上階侍臣再拜赴坐舞
隊進三味三盞後退此後進酒進食及太子
以下侍臣行酒設食樂作止並如常至別盞
上階侍臣就拜位合班立執禮贊拜侍臣皆

再拜跪奏臣等請上千萬歲壽酒執禮官升
殿跪奏承制傳宣侍臣盥洗禮數並如上儀
王入便次少頃王出坐殿侍臣升殿以次獻
壽如上儀王舉酒樂作舉酒訖樂止侍臣下
殿就拜位喝兩階侍臣再拜舞蹈又再拜中
階侍臣就本位執禮官稱躬身上階侍臣皆
躬身執禮官傳迴賜別盞侍臣再拜升殿以
次受迴賜如上儀如有旨太子公侯伯中階
侍臣賜別宣酒則各在座後受酒如常儀下

殿就拜位喝再拜舞蹈又再拜訖各就位次
傳侍立負將兩部樂官侍奉軍人宣賜酒果
如上儀王入便次少頃協律郎舉麾鼓吹振
作動臺訖偃麾鼓吹止閣門引太子公侯伯
樞密侍臣下沙墀與宰臣文武群官各就位
立定舍人喝太子以下文武群官再拜太子
進步致辭退復位再拜舞蹈又再拜每有旨
放謝閣門贊各祇揖群官揖退 大會日坐
殿王初御宣仁殿承制以下近侍官及後殿

官起居訖出御大觀殿侍臣起居及御儀鳳
樓上行香酌獻後近侍官以下升階太子以
下公侯伯宰臣樞密侍臣文武群官序立王
坐殿後聞辭獻壽傳宣賜坐並如小會儀唯
奏聞辭不稱朝賀而稱起居班首奏聖再拜
後無進步拜舞拜持表負隨群官進退為異
次曲直華盖分東西上階輿輦符寶等竝還
列儀鳳門內訖閣門引宋綱首等就聞辭位
立定閣門奏聞辭云大宋都綱某等祇候朝

賀訖引就拜位跪進物狀閣門接上俛伏與
舍人喝再拜行頭奏聖躬萬福奏山呼再拜
行頭進步退復位奏山呼再拜次傳宣賜坐
看樂兼賜所司酒食訖奏山呼再拜卷班西
出就幕次次引東西蕃子次引耽羅人朝賀
及傳宣禮並與宋綱首同次引四方貢物與
諸蕃貢物入自東仁德門駿奔過庭出自西
義昌門訖閣門禮數及階上沙墀就位如小
會儀唯無進步致辭拜舞拜爲異次兩部樂

官近仗軍人以次升階各就本所又如小會
儀次近侍官進御茶食執禮官向殿躬身勸
次設太子以下侍臣茶食食至執禮官贊拜
太子以下侍臣皆再拜就座受食食訖起揖
殿上進茶進酒進食及太子以下侍臣賜茶
行酒設食禮數樂作止並如小會儀進御食
至雙下後引太子公侯伯下殿與樞密上階
侍臣就舞位中階侍臣於其階亦如之執禮
官喝太子以下侍臣皆再拜跪奏請上千萬

歲壽酒執禮官升殿俛伏跪奏承制傳奏訖
傳宣曰可執禮官俛伏興下殿就太子東北
向殿揖西向稱宣許喝太子以下侍臣皆再
拜引樞密以上出詣洗所盥手上中階侍臣
在拜位跪以俟王入便次少頃王出座殿鳴
鞭爐烟升近侍官以函奉御花又近侍官二
人奉御盞及注子先升詣王座東北少退跪
太子以下樞密以上升殿俛伏興太子詣王
座左西向跪承制負取花一枝授太子太子

奉花跪進樂作承制負又取一枝授太子太
子奉進獻壽負獻御花或二枝或三四枝量
獻壽負多少分獻王戴花太子少退俛伏跪
公侯伯樞密繼進獻花如上儀訖樂止太子
俛伏興詣王座左奉盞跪公侯伯樞密以次
奉注子酌酒王舉酒樂作舉酒訖樂止太子
進受虛盞近侍官承受盞注子少退跪太子
以下俛伏興下殿就拜位喝太子以下兩階
侍臣再拜舞蹈又再拜獻花酒禮下倣此執

禮官稱躬身樞密以上皆躬身執禮官傳迴
賜別盞樞密以上皆再拜近侍官以函奉迴
賜花及注子盞先升樞密以上升殿詣王座
左俛伏跪承制奉花進玉手賜樂作太子插
訖俛伏退跪公侯伯樞密以次進受花如上
儀訖樂止太子詣王座右俛伏跪承制奉注
子近侍官奉盞承制贊酌酒太子少前受盞
近侍官傳受詣殿上東壁太子飲位立太子
俛伏興退立於飲位公侯伯樞密以次進受

迴賜如上儀執禮官贊飲太子以下向王座
揖樂作飲訖樂止近侍官各受虛盞太子以
下揖下殿就拜位喝再拜舞蹈又再拜各就
位次差降承制一員及中階左右侍臣各一
員分遣左右同樂亭宰臣幕及文武三品官
幕賜別宣花酒承命者皆再拜下階承制將
詣宰臣幕茶房人吏具注子奉別宣藥酒及
奉宣果宣花者宣送教坊樂官等並隨後承
制至幕階下傳命位南向立樂官東向陳列

宰臣下階拜命及承制口傳禮數與尚食局設果案並如小會儀宰臣拜訖升階就位向殿立定承制於宰臣北南向立奉花函首詣承制右跪承制取花以次傳授宰臣樂作宰臣跪受花插訖樂止尚食局設果案茶房入吏一人奉盞又一人斟酒訖奉宣果者各升階當宰臣位東向立樂作飲訖樂止承制下階南向立宰臣就拜位再拜舞蹈又再拜訖還就位承制率樂官升復位再拜其中階侍

臣口宣及文武三品官拜命受花酒及宣果與侍臣復命禮數並如上儀唯無果合與樂官爲異又沙墀閣門二員承旨分詣文武四品以下幕其口宣及拜命受花酒禮數又如上儀文武三品以下大府花支賜初太子以下拜訖就位執禮官承旨傳左右侍臣宣賜花酒喝再拜近侍官監賜花酒宣果侍臣插花執盞樂作飲訖樂止侍臣又再拜次傳侍立員將兩部樂官宣賜花酒次傳侍奉軍人

宣賜酒果訖執禮官承旨稱賜坐喝太子以下上階侍臣再拜赴座舞隊進退如小會儀進酒進食及太子以下侍臣行酒設食樂作止如常儀至別盞上階侍臣就拜位合班立中階侍臣於其階如小會儀喝侍臣皆再拜跪奏請上千萬歲壽酒執禮官升殿跪奏承制傳宣侍臣盥洗禮數並如上儀王入便次少頃坐殿鳴鞭侍臣升殿以次獻壽王舉酒樂作舉酒訖樂止侍臣下殿就拜位喝兩階

侍臣再拜舞蹈又再拜執禮官稱躬身上階侍臣皆躬身執禮官傳迴賜別盞侍臣皆再拜近侍官以函奉封藥宣果及盞注子先升侍臣升殿詣王座左俛伏跪承制跪取封藥進王手賜侍臣受訖近侍官奉盞承制酌酒侍臣受盞傳授奉盞者又近侍官以宣果授侍臣侍臣受訖俛伏退侍臣以次受酒及封藥宣果訖詣飲位揖執盞樂作飲訖樂止下殿就拜位喝侍臣再拜舞蹈又再拜訖各就

位如有旨太子公侯伯及中階侍臣賜別宣酒則各在座後受酒如上儀次傳侍立負將兩部樂官侍奉軍人宣賜酒果如上儀王入便次少頃協律郎俛伏舉麾興鼓吹振作動臺訖偃麾鼓吹止一刻頃王坐殿閣門引宰臣升階執禮官自上階承引就位喝宰臣再拜班首進步致辭謝喚退復位再拜舞蹈又再拜次引樞密與宰臣合班立執禮官前承旨傳上來宰臣樞密再拜引升殿太子公侯

伯詣王座東北西上南向立公侯伯在兩者自斧展後就東合班宰臣樞密詣王座東北上西向立次近侍官進茶樂官奏口號畢引太子公侯伯宰臣樞密下殿與上階侍臣就拜位立中階侍臣在其階亦如之喝再拜太子進步致辭賀口號退復位再拜舞蹈又再拜並跪奏請上千萬歲壽酒執禮官升殿跪奏承制傳宣曰可執禮官下殿稱宣許喝再拜訖引太子以下宰臣樞密詣洗所盥手升

殿詣王座左以次跪獻御花壽酒如上儀王
舉酒樂作舉酒訖樂止太子以下下殿就拜
位喝再拜舞蹈又再拜執禮官稱躬身樞密
以上躬身執禮官傳迴賜別盞太子以下宰
臣樞密再拜升殿受迴賜花酒及封藥宣果
樂作止如上儀訖下殿喝再拜舞蹈又再拜
引太子公侯伯升殿就位次引宰臣下階閣
門接引詣左同樂亭就位次傳左右侍臣宣
賜別盞上中階侍臣再拜飲訖再拜次傳侍

立負將兩部樂官侍奉軍人宣賜酒果次命
文武三品官升殿合班獻壽進退禮數樂作
止及受迴賜禮數並如上儀迴賜時亦有宣
果次執禮官傳侍立負將兩部樂官侍奉軍
人宣賜酒果訖執禮官引太子以下樞密及
左右侍臣下階閣門引宰臣以下文武群官
就沙墀立班舍人喝太子以下通班再拜太
子進步致辭謝宴退復位舍人喝再拜舞蹈
又再拜每有旨放謝王下殿御平堦輦黃門

侍郎奏請動駕侍臣前導如上儀入自泰定門入大觀殿兩部樂官停於殿門外王下輦上殿閣門贊侍臣等各祗候樞密以下侍臣揖退

太祖元年十一月有司言前主每歲仲冬大設八關會以祈福乞遵其制王從之遂於毬庭置輪燈一座列香燈於四旁又結二綵棚各高五丈餘呈百戲歌舞於前其四仙樂部龍鳳象馬車船皆新羅故事百官袍笏行禮

觀者傾都王御威鳳樓觀之歲以為常 成
宗六年十月命有司停兩京八關會 顯宗
元年十一月復八關會 德宗三年十月遣
輔臣賜西京八關會醮二日西京例以孟冬
設此會十一月設八關會御神鳳樓賜百官
醮翌日大會又賜醮觀樂東西二京東北兩
路兵馬使四都護八牧各上表陳賀宋商客
東西蕃耽羅國亦獻方物賜坐觀樂後以為
常 文宗五年十一月庚申設八關會月食

在望以十三日爲初會 忠烈王元年十一月庚辰幸本闕設八關會改金鰲山額聖壽萬年四字爲慶曆千秋其一人有慶八表來庭天下太平等字皆改之呼萬歲爲呼千歲輦路禁鋪黃土 恭愍王六年十一月甲寅八關大會凡八關大會以十一月十五日爲之今以十四日爲大會者以司天臺言子卯不樂故也七年十一月己酉八關小會庚戌大會以十三日冬至故也

八關會

志卷第二十三

九

在望以十三日爲初會 忠烈王元年十一月庚辰幸本闕設八關會改金鰲山額聖壽萬年四字爲慶曆千秋其一人有慶八表來庭天下太平等字皆改之呼萬歲爲呼千歲輦路禁鋪黃土 恭愍王六年十一月甲寅八關大會凡八關大會以十一月十五日爲之今以十四日爲大會者以司天臺言子卯不樂故也七年十一月己酉八關小會庚戌大會以十三日冬至故也

四三八
己酉

志卷第二十三

四三九



